

功

蟲

錄

鬪蟋蟀賦

楊 搢 蕙山

秋清削玉漏永滴銅遙遙者夜唧唧者蟲循階咽露附  
草號風金天鑄股白帝點瞳得時作氣應候奮雄聿警  
良士乃罹狡童少年三五伴侶什百僻徑潛形頽垣撥  
礫鞠躬蛇行屏氣龜息尋聲盲赴應響斬得穴灌珠噴  
燈篝星摘螯齧流丹爬掌漬墨掩捕智窮叫呶權極無  
任趨跳無傷脛翼相協厥經鬪維入格迺龜伊居陶器  
必良時其飲食時乃糗梁木雞甯靜霜隼翔翔曲躍三  
百分曹兩行左右殊袒東西列場雙旌標監一秤評量

銖黍維稱矯健悉當天鵝叫音朱雀開桁料敵遣將決  
機捕亡逡巡設餌邂逅試嘗銳鋒交蝦巨斧劈螳老拳  
既飽毒手斯疆一掣兜鍪三奪稍槍乃揮羽扇暫據胡  
牀逾時蘇喘少選復鬪再殺一圍三驚一走氣盛投戈  
與酣免胄毋失交臂誰甘投首半死半生狂嘶哀吼響  
落傷禽追窮困獸進怯登場避惟由賁始夸勅敵終北  
死寇甯非戰罪殆不可復捷旌搖搖勝鼓擊擊猥以千  
金決之二蟲勝固可喜敗亦無訐敗實有失勝則何功  
業荒于嬉事敗乃公選惟三品儲必千籠產因地異秋

至風同博弈猶賢游惰實叢不峻秦法其如吳儂粵若  
稽古實始天寶妖姬秘樂靜女呈巧金籠貯密玉粒飢  
療右相持籌諸王角道宮庭褻武漁陽是兆誰其嗣者  
曰賈平章秋壑無事半閒有堂寵娥據地狎客戲旁黃  
龍戰歇紫盟武揚維君維相流風孔長流風孔長殷鑒  
孔光作之箴銘好樂無荒

蘊山先生名楮字永叔金匱人笠湖先生第三子有  
文名兼精六法十赴省試不遇乃捐金爲千夫長生  
平愿閩督徐公嗣曾江西撫先福公鄂撫汪勤僖新

楚督畢公秋帆粵督百文敏齡幕府司章奏名重當時所著有雙梧桐館集計詩十卷詞五卷六義管窺四卷齋居問答二卷班史廣義二卷雜體文三卷共二十六卷從外孫余一鼇藏有印本待梓此賦雜體文中一篇也時適印功蟲錄江陰金丈桂生以雙梧桐館全集自毗陵寄贈鬪蟋蟀賦列之卷首以代序末節好樂無荒不忘箴戒蓋此原非君相所應從事者也无悶道人心禪居士皆公從外孫并識

古之賞功者雲臺繪像青史標名使後之人仰望其英姿千百載流傳爲盛典斯所以報之者至矣其事至大可以喻小秋蟲食米半粒寄跡一盆養之使鬪無不竭力奮勇直前號曰將軍良有以也偶僧自幼樂此不疲數十年來結冊之蟲殆以百計今擇其尤者就其色相鬪品逐一表明列爲一冊曰功蟲錄俾同好者覽之眉飛色舞如見其氣概精神是亦繪像標名之遺意也

光緒十年歲次甲申嘉平月

无悶道人秦偶僧識

題詞

金縷曲

赫赫渾如在把當時鬢眉劔戟一齊都繪想象凌煙高  
閣裏百戰勳名無蓋誠不異風雲際會燕頷虎頭瞻色  
相問品題可許驪黃外年年畫鴻溝界 旌旗變色登  
壇拜逞英雄威稜遠屬敵人類斷挂印封侯秋亦夢食  
祿肯忘忠愛具敵國長城氣槩我願差強君領取保山  
如礪更河如帶披數葉一樽酌

心禪居士倚聲

功蟲錄卷上目錄

金黃

道光十三年出

杭碼八釐

眞黑青

十七年出本土

蠟腿黃大頭

二十二年出東門

大七釐

紫白尖翅

二十五年出東門

七釐

淡青尖翅

又出虞山趙子介送

大七釐

紅牙重青

二十九年巳酉出本土

大六釐

淡紫黃

三十年庚戌出東門

大六釐

侯字青大頭

咸豐元年辛亥出本土

八釐



鍊鉗稻葉青

銅匠華大出

杭碼大七釐

金絲黃大頭

二年壬子出南門

八釐

烏牙淡黃

三年癸丑出東門唐增保

大六釐

沙黃

四年甲寅出虞山

八釐

乾青大頭

又出虞山

小六釐

真黃尖翅

五年乙卯出南門

大八釐

鐵皮頂黃大頭

六年丙辰是杭蟲  
張老和來

八釐

白肉青麻

七年丁巳出南鄉董家街

七釐

小白牙青

八年戊午出本土東門

四釐

大項重青

九年巳未出本土  
候諫一

梳碼大八釐

白青尖翅

又出南門吳阿紀

八釐

大腰青

同治五年丙寅虞山朱八一來

八釐

方黃

又出長安

大八釐

硃項白

又出滄甯養田廟范巷

八釐

青麻頭

又出長安邱玉山

八釐

白尖翅

又出長安

大七釐

方青大頭

又出虞山頂山

七釐

烏背白青

又出長安奚四保

大八釐

老紫黃

又出顧山同福字號送

杭碼七釐

鉛字青大頭

又出虞山席蕙山來

八釐

乾青

又出南鄉董家街

六釐

黑黃尖翅

又出琴川頂山

大八釐

紅牙白黃

又出長安小張三

七釐

重青大頭

六年丁卯出昭文頂山  
周玉德

七釐

白牙青

又出昭文顯秋橋

大六釐

金背長襯衣

又出昭文頂山

八釐

值年五色

又出長安陸天順

八釐

白肉方青

又出長安小張三

杭碼大九釐

月白淡青

七年戊辰出昭文小市橋

大七釐

蔡茂德

又出長安奚四保

七釐

白肉淡紫

又出昭文周關和

八釐

黃大頭

又出琴川顧昆和

七釐

青大頭

又出昭文大河范增二

大八釐

黑殼白青

又出臨安將臺地土

大八釐

海棠白大頭

白石廂

又出臨安將臺地土

大八釐

乾青大頭

郭文秀來

又出虞山頂山周壽坤來

大八釐

黑沙青

黑沙尖翅

又出本土東鄉華二二勝來 杭碼八釐

青項綠肉紫

又出虞山

四釐

真黑色白牙

十年辛未出昭文頂山  
周大榮來

八釐

銀牙白脚紫

又出長安謝老二

八釐

黃殼方青

又出昭文小時橋  
蔡茂德來

六七釐

紅牙青

十一年壬申昭文徐四來

七釐

紅牙重青

又出虞山石慶大

八釐

藍青大頭

十二年癸酉出羊尖鎮  
張伯用來

六釐

紅牙淡青

十二年甲戌出昭文

大六釐

大黑黃

光緒元年乙亥出長安  
張小和尙

梳碼九釐

老穀沙青

又出虞山丁仲偉送

八釐

白青大頭

又出長安李介福

八釐

金背白

又出李介福

六釐

小天藍青

二年丙子出虞山王莊  
藍春和

僅二釐

紅牙重青

又春和出

亦二釐

尖翅老穀青

二年丁丑出昭文  
崔金泉

大七釐

左搭白牙青

又出虞山大河許景仁

大七釐

稻葉白青

四年戊寅出本土沈蘭溪來

九釐

白額頭

五年己卯出長安周星奎

杭碼八釐

天藍青

六年庚辰出長安

八釐

鐵色紅牙青

又出

范巷范景山

八釐

白牙重青

又出

趙錫堂

八釐

白牙青

又出

杜卓異

大八釐

稻葉白青

又出

王小毛

六釐

白牙黑紫

又出

張三喜

七釐

紅牙白

又出

南塘陳長春

大八釐

紅牙白青

又出

小張三

七釐

功蟲錄卷上

錫山无悶道人述

金黃

此蟲生相前半方濶腰粗尾尖黃頭黃項蠟腿蠟肉細  
金鬪絲麻路散布頭上紅鉗黑面翅若塗金鳴聲啾啾  
沙而帶啞開盆則兩鬚攪擾終日不定釐碼不過一百  
四十毫中秋時曾與一小養戶角鬪一時連勝四十餘  
盆內有饒大至五六十點者均不多咬致被借去久假  
不歸聞其入柵交口卽勝後因喂食疏忽竟至跳去未



曾闕至結冬此係童年所得真數十年不一見之蟲也

真黑青

深圓頭烏金頭皮銀絲貫頂深青圓項翅色純紫腰圓背滿肚腹微拖鳴聲洪大六足粗壯而短黑絨肉光彩耀目兩尾純黑粗長幾半寸許然光潤無毛不翹不儻此蟲的係土狗形落口極重力大於身三秋無敵

蠟腿黃大頭

熟銅頭皮金絲鬮路頭圓綻無腦搭老鐵皮項寬闊而起毛丁腰圓背厚翅尖尾尖細黃毛肉六足如黃蠟捏

成粗長無比鳴聲尖而且老有若銅皮糙米白鉗粗於  
米粒啟閉甚捷杭碼七釐之蚤牙之長大從未有過於  
此者鬪十數籠不二夾來蟲弱者不過六足捧頭如遇  
名將則一合鉗無不頭開項裂此蟲喂以大米飯能食  
粒半而腹不垂至大雪後口吐黑水數滴而僵跡此知  
爲老蝗所變

紫白尖翅

大頭濶項生體方幅翅尖直包子門淡紫頭皮細白鬪  
絲透頂淡青項兩翅作豆腐皮色而聲若洪鐘白脚白

肉通體素色淨白長牙中秋破口不知合鉗數遇大敵  
每受數百口無還夾至落湯後只交口卽勝馬前無一  
合之將矣最異者於盆中視之色極淺淡一入柵籠湯  
光濃重色若烏金人不知爲淡色是可貴也

淡青尖翅

深頭長項生相平平腰背不甚豐滿兩翅尖長色如稻  
葉微帶黃光澹金鬪絲白牙匾闊如成衣剪刀式善鬪  
能盤落湯收夾鳴時豎翅不落初翅沙聲以爲尖圓翅  
無足異後乃愈叫愈急味味然一氣不斷竟似草蟲嘶

聲絕不類蟋蟀鳴者其聲真乃得未曾有也

紅牙重青

蝴蝶頭卽三角頭兩眼高聳星門突出生相長方深青  
圓項烏金頭皮細白鬪絲項毛濃厚眼大逾恒面長而  
黑馬門尖小紫紅鉗如蘇木色細而尖長腰背渾厚烏  
金翅帶尖樣鳴聲丁丁然細黑絨肉六足不長而粗壯  
兩鬚一作竹節式至深湯節節花白與桑牛無二鬪不  
行夾是真異蟲

淡紫黃

深頭圓項生體長方翅尖如蜂翼淡金麻路寶石紅牙  
肉身白而乾老秋初出土頗類白青項色半青半白並  
少沙毛中秋後頭皮忽變蜜蠟色翅色明亮如淡金腿  
腳精瑩如白玉其項半化爲金半起爛斑硃砂點週身  
光彩如寶如珠色則似淡黃似淺紫似蜜背似白黃光  
華閃爍不可評定以示養蛩慣家無有能定其色者性  
頗不馴其走如駛見亮則奔馳不定且要沿盆數次然  
從未見其跳躍凡鬪數十柵無敵因以淡紫黃目之

候字青大頭

起頂大頭青金頭皮銀絲透頂深青濶項沙暈重重老  
象鉗如竹釘式腰圓尾尖六足長大青金翅底色濃厚  
外罩藍光早秋出土身長徑寸相只平平且翅帶黃光  
頭皮呆木鬪絲糙白非紫非黃頗嫌渾色交霜降後肉  
身藏緊竟成大頭尖稍頭皮鬪絲悉化與譜所稱真青  
色相俱合早秋拖肚時已屬無敵後只交牙卽勝真難  
能可貴之品也

鍊鉗稻葉青

生體短厚頭項肉身圓如滾木正青頭皮淡金鬪路薄

青項老薑片鉗長而匾薄短翅如苗葉色六足白而細短盆內游行搖搖如不勝力馬門梗硬出土卽鍊牙鍊罷須一時許然遇鬪則閉鉗甚捷任憑敵蟲跳躍牢不輕放口門一似有關鍵者凡鬪二十餘柵不少異此蟲生相極屬平常行口却獨老辣數十年內殆無其儔然鍊牙之蟲終屬不取雖才貌極佳千百中不能獲一養豈家勿爲所悞也

金絲黃大頭

大頭寬項琥珀頭皮金絲透頂深青項黑面紅鉗翅如

元緞腰圓尾尖六足明淨白肉白尾早秋出土卽已精  
彩奪目色光如寶石明珠油毛沙血字字俱足此蟲篤  
健異常入柵一聞聒叫卽遍柵飛騰爪著柵底浙浙有  
聲其牙長大多鋸齒遇敵甫交牙每擲出數寸卽已敗  
走若經合鉗殆無不腰斷腹裂從未有與對夾者落湯  
後頭紅如櫻珠渾身作蜜蠟色翅亦化爲赤金此係真  
正黃蟲實養蛭家所罕見猶憶此蟲鳴聲震耳在湯桶  
中偶一鼓翅卽聲聞堂屋亦一異也

烏牙淡黃



前身濶厚方頭方項白肉白腳淡黃頭皮金絲麻路老  
桃皮項上起毛丁黑面闊板黑紅牙僅開一線肉身墜  
結兩尾尖長似係骨多肉少淡金翅籠形極大敵蟲交  
口卽走此蟲的係淡黃然已三秋無敵譜云冬蟲未盡  
然也

沙黃

闊圓高厚龜背蝦腰老青項熟銅頭皮虎黃鬪絲麻路  
俱作金色糙金翅聲如破鑼紅牙上起黑斑腿腳蒼狸  
黃肉黃尾渾身如蒙黃霧色光轉似不足實則爲沙所

掩每一合鉗敵蟲立斃此係異蟲鈴不常見必呼雌二  
三日始一貼雌一柄兩鈴形同並蒂花菓是謂雙鈴將  
軍

### 乾青大頭

半身頭項生體濶厚翅短而尖頭色濃厚細白鬚絲黑  
砂項乾丁肉長面方腮老紅鉗隱隱有白紋墳起兩腿  
似嫌微短而小脚長逾諸蟲細審之亦若有骨無肉遇  
鬪交肩卽勝不待合鉗秋分破口至寒露底纔廿餘天  
已勝十八九柵惟鬪後不食每每立水池中初交霜降

卽己老斃蓋早秋將軍也

眞黃尖翅

小四字頭方項腰闊背平翅如金箔鳴聲極鬆金黃鬪  
絲旁多麻路頭皮項色肉身腿脚一例俱黃紅牙紫臉  
此蟲出身極嫩於處暑初出土翅不能鳴週身毫無顏  
色以釐碼較大養之霜降節後忽變成黃蛩鬪性最烈  
牙不多張交鋒不過一二撮敵蟲無不却走凡三到蘇  
城無有對手鬪至結冬鳴聲猶鬆而不急直養至正月  
時已逢春一日偶以芡撥之始嚇嚇然作棉夾砂聲是

蓋有前生者究不知是何變蟲也

鐵皮頂黃大頭

圓珠大頭星門充足烏金頭皮麻黃鬪絲麻路多而不顯極似暗麻頭鐵皮頂上起黑沙黑面焦紅鉗根濶而頭銳六足長大烏金尖翅肉隱金光乾丁黑肉早秋喂食過多以致腰身僵硬受芟不靈曹平稱至二百二十毫至落湯後每日出糞十餘粒數日後落輕四五十點肚腹收足獨見頭項矯健如飛是年南潯之狀元旗號於蘇城設立銅旗其蟲名曰飛公雞與之合對僅一二

勒鉗卽已扯斷項背漿水自翅中流出其力量直不可  
思議真蛩中之霸王也

白肉青麻

圓桿生身深頭圓項青金頭皮金絲鬪線麻路杖出絆  
滿頭根黑面寶石紅牙腰背渾厚肉身純細六足圓長  
渾身若蝦青色鬪廿餘柵無敵

小白牙青

青金頭皮鬪絲細白麻路分清薄青項黑面白牙平頭  
平項而腰背高厚肉身絨細六足精瑩色如泉水澄清

另有一道藍光籠罩此蟲秋分出土寒露破口鬪十數  
柵不二夾釐碼不過一百三十點深湯中於蘇州遇一  
名將號爲無敵自一點鐘開鬪直咬至四點餘鐘一路  
分清勒鉗並無造橋結毬滾夾柵中轉戰百餘遍足有  
數千餘口爲從來所未見初則敵蟲鼓翅飛騰驟如風  
雨旣乃氣力不加鳴聲漸漸低小行走不動六足俱癱  
如人之脫力者而此蟲矯健如常牙門隨啟隨閉週身  
無絲毫傷損且養至來春其壽獨長譜稱不異而異謂  
之神品此蟲是矣

大項重青

鬪生大頭項尤寬濶俗稱項套頭烏金頭皮金絲銀額  
黑面老紅鉗牙門極緊腰背闊厚迥異尋常黑絨肉兩  
尾光潤而輕細腿脚圓長多黑斑籠形極大雖遇名將  
不二夾落湯後數日不鬪卽自將腿脚咬去六足僅存  
半截一著芟草猶鼓翅如飛蓋毒蟲也

白青尖翅

生相極濶半身頭項淺紅頭皮白鬪絲微帶匾樣黑面  
老白鉗淨而無黑爪淡青毛項乾丁白肉翅薄縐而尖

鳴聲啾啾色淺碧如竹葉腿脚白而粗壯三秋決勝從  
無二夾是蓋五色俱足者真淡色中之異品也

大腰青

圓頭充星門麻黃鬪路項筒寬濶青金翅六足粗壯腰  
背豐厚無比白牙大而起稜牙尖微帶彎樣寒露後忽  
變寶石紅出土時身帶白沙似嫌嫩相然頭色明淨鳴  
聲洪亮迥異嫩蟲秋分破口鬪至結冬厯錫金常昭各  
鄉鎮及崑山上洋等處無有敵對湯桶中頭色紅如朱  
櫻遍體紅沙兩尾純紫其背高厚有若隆起而結體仍



然方幅行動如蠶頭能顧及其尾顧深湯中每每口吐  
清水且常立水池中飲水至飽旋即吐去頃刻間可稱  
輕二三十點可稱異蟲是蓋變蜻蜓之水蟲所變

方黃

紫銅頭皮老而薄亮麻黃鬪路如纍金絲生體闊方背  
仍圓滿淡紅牙上有白豎紋紫絨項圓而寬厚四足明  
淨兩腿多黑斑糙金翅肉帶紫油色尾極光潤長尖寒  
露至結冬無敵湯中頭色益明與琥珀無異此直謂之  
老紫黃亦可

硃項白

大方頭淡紅頭皮匾白麻路淺黑面老白牙極長大硃砂項上起黃斑淡金翅白肉白腳生體長方而厚翅帶尖樣籠形極大聲若洪鐘豎翅不落是淺色中極老之色霜降至結冬無敵

青麻頭

相極高厚方頭方項青金頭皮鐵面青毛項銀額金絲麻路絳滿頭上項毛叢叢似可手撮牙紅如寶石光彩射目六足長大鬚粗尾尖初出土週身毛白如紙枯槁

無神頭項均蒙白霧鬪絲浮板牙亦不紅背凹尾翹無  
一足取以釐碼較大養之日盡米三粒冬節後姑與落  
湯適遇風信兩晝夜偶檢及之其鬪絲悉化麻頭項變  
爲青翅變爲黑牙變爲紅惟背肉不足耳以之出鬪竟  
不行夾雖遇名將交口輒勝之冬至時猶健若早秋也

白尖翅

大四字頭紫臉爛斑項頭皮若老草色滿頭白麻路如  
柏葉樣腰粗尾尖鳴聲綿夾沙味味然豎翅不落老白  
牙極渾長有如棗核釘式六足明淨肉身細結初破口

遇一名將合鉗卽斃之鬪至結柵無敵

方靑大頭

生相極闊大方頭黑沙靑項頭色如烏金鬪絲黃細開  
光黑面紫紅鉗不長而闊上隱隱有白紋烏金翅縐而  
貼肉腰圓背滿肉老結起靑斑六足白而粗壯鳴聲丁  
丁落口極重極快三秋無敵

烏背白靑

深圓頭黑面頭色淺似白蚤重靑項翅薄糯如點漆兩  
牙渾長淨白無黑爪肉身細結六足圓長善鬪兼能受

口愈矜愈健深湯中之虎將也

老紫黃

圓頭圓項頭作熟銅色金絲麻路長薄白鉗項厚多沙  
腰下極滿背若駝起紫金翅微短而帶尖樣紫油肉光  
彩如絨六足不長而脚力最健兩尾純紫數遇大敵咬  
至數百口精力倍加聞其初出土週身墨黑並無麻路  
鬪後始漸退出如剝去一層衣殼自白露至結冬數十  
鬪無敵識者謂是隔年之蛩可謂真異品矣

銛字青大頭

青頭烏頂金額銀絲黑面方白牙似短實粗深青毛頂  
腰身高厚紫金翅薄縞無跡鳴聲尖急異常細結黃毛  
肉自腰勒尖至尾六足白淨鬪亦交口卽勝歷蘇常各  
碼頭無敵

乾青

生體潤圓青金頭皮淡黃麻路淺四字頭項極寬厚蜜  
蠟牙鉗肉身細結而毛燥兩翅薄糯鳴作丁丁聲六足  
粗短立盆中能竟日不動若老病者然至一聞聒叫則  
張牙鼓翅不待芟草勢若飛騰每鬪敵蟲必傷損計鬪

十餘柵蓋出柵以前已在小兒手中數十鬪矣

黑黃尖翅

此長衣也近俗概名尖翅深圓頭頭皮老如紫珀麻黃鬪絲細直透頂黑面淡紅紺上有白豎紋墳起鐵皮青項腰背渾長肚腹若炮竹式尾尖而有肉烏金翅時露金光尖長直罩尾際絕無邊骨硬角等病鳴聲嚙嚙急而微啞籠形極大六足圓長肉黑而絨鬪不二夾後至聞其聲者多至拆去以故鬪至結冬僅八九柵耳

紅牙白黃

四字頭老草頭色麻黃鬪路方項毛燥而起青斑黑面  
紫紅鉗金翅黃毛肉六足潔白生體潤方凡遇大敵最  
能受口與葛雲甫會於蘇城鬪數百口鬚尾盡脫精神  
倍加勝後遂封益後晤雲甫於上洋云下鋒仍鬪至結  
冬又勝數柵則此蟲亦可謂無敵矣

重青大頭

方頭圓項腰粗尾尖色濃厚如黑青而金絲麻路細直  
分明烏金頭皮黑沙青項腹背高厚肉身乾老渾身沙  
暈叢叢翅尖而聲急黑斑紅牙啟閉極快猶記於六七



鬪時受一失夾項皮崩裂其間白肉如脂乾結無水出  
當時還夾卽勝以爲受傷深重不可復鬪以草按之使  
之合縫而貼雌吃食無異平時旬日後復行出柵從無  
二口落湯亦無傷發之患直至結冬無敵

白牙青

頭形怪異額尖高聳腦角窄削兩眼並生於面門烏頂  
白鬪絲淡青毛項竹釘白鉗腰背闊厚蟹臍獨大尾尖  
而有肉青金尖翅色極澄清是正青中之淺一色者早  
秋破口從不合鉗敵蟲無強弱不過一二勒鉗卽走所

所謂輕夾重出厯蘇松常各屬無有敵手

金背長觀衣

相極濶厚珊瑚頭皮鬪絲匾白深青項黑面紅紺黃金  
翅純粹無黑跡鳴聲洪大有類濶翅其觀翅直蓋至尾  
潔白異常肉身青黑而極絨細鬪時猛健無對及交小  
雪老斃口吐黑水僵立如生是或蚱蟻所變歟

值年五色

紅頭青背鬪絲類白蚤鍋底臉眼下及兩腮純黑濶板  
紅牙項筒寬厚硃底青斑翅色青翠直與紡紗娘無二

腰闊背駝六足精瑩肉身結白所向無前是年爲丁卯年具此光彩足稱值年將軍其生相亦不易得也

白肉方青

方若骨脾一身細肉青頭藍項金翅紅牙六足粗白如燈草此蟲稱二百三十毫一時匹碼極少破口遇一名將只一合鉗卽勝以釐碼過重僅鬪兩次殊可惜也

月白淡青

短闊圓厚身如甘蔗一節頭圓而綻淡青頭皮微露一二分白氣鬪絲細白黑面紅牙藍青項沙毛特重肉身

絨細腰背豐隆肚腹肉鱗幾不可辨青金翅聲急而尖  
週身藍光籠罩六足明淨尾細如髮中秋鬪至深湯無  
敵

白肉淡紫

平頭直項腰背渾長淺紫頭皮淡紅鬪絲極其沉細花  
青項上起爛斑翅色與蘆花相似鳴聲雄厚急如爆竹  
紫紅鉗根帶白色頗似兩節鉗杭人謂之塊子紅鉗實  
則白鉗黑斑其鉗最爲墜老肉身潔淨白膩如脂此色  
本係冷蟲因其生相平平早秋卽行破口鬪至結冬數

遇名將未有敵手

黃大頭

山筍生身大頭濶項金絲貫頂麻路散布如柏葉鐵皮  
項上起爛斑直如灰漆灰補較油葫蘆項皮還厚長方  
面牙色如小麥式亦如之乾黑肉兩尾黑而輕細糙金  
翅鳴聲極老腿腳蒼黃爪花俱帶紅色其性躁烈一躍  
輒四五尺猶記落盆月餘偶爾驚觸連躍數十步及捧  
入盆肚腹不拖腳仍有力一似未曾跳者可謂力大於  
身宜其三秋無敵也

青大頭

柜臺生身長方頭眼角特起青金頭皮鬪絲麻路俱白  
淡紅長鉗方項沙暈極濃腰身高厚豎翅十分是爲側  
生亦係貴品翅色綠如老樹葉六足渾長矯健多力

黑殼白青

闊方大頭厚青沙項頭皮如老草色淡金鬪絲滿頭麻  
路渾如八腦線鍋底黑面焦黑紅牙粗於米粒翅如元  
緞而罩青光鳴聲躁老腿腳圓長乾黑肉籠形之大一  
時無兩頭形兇惡狀貌瑰奇直如有骨無肉週身沙暈

純黑而鬪絲頭色實係淡蟲此等色相經所不載是爲  
黑殼白青眞賞鑒家得之可不待出柵而知爲無敵矣

海棠白大頭

深圓大頭腦蓋如海棠花色匾白鬪絲開光黑臉尖長  
老白牙硃沙項底上蓋青毛腰圓尾尖肉身純細而帶  
珠光六足精瑩如玉絕無斑點金背白尾鳴聲洪亮監  
翅如蓬身分五色數十年來此蟲色相之佳無有出其  
右者亦如人品貌不凡五官俱美可決其出將入相一  
生富貴無疑惟釐碼太重僅鬪數柵行夾極文交牙卽

勝且認色時見其籠形精彩每至拆去都不敢鬪漢家  
旂幟一見驚人氣概若此真可謂出類拔萃矣

乾青大頭

此蟲係蜻蜒變頭項之大爲養蛭家所罕見淡青頭皮  
糙白鬪絲似嫌粗笨因其頭面濶大轉若非此不宜項  
皮寬濶上糝白沙腰粗尾尖乾丁白肉偶一游行頭頸  
每脫出半米白肉如脂湧出項外長白鉗無黑爪上隱  
隱有血點如斑此等牙鉗亦屬罕觀釐碼重二百毫前  
身居大牛肉身僅四分耳故其力大所向無前交肩卽



勝如遇名將輒一口噙住翹首前行而敵蟲并不能跳躍比至放下其蟲已僵宛如兩將交鋒照面卽生擒活捉是卽說傳所稱李存孝等類其勇猛無可比方也

黑沙青

大頭濶項生體方闊渾身黑沙細金鬪絲黑紅鉗長大而多鋸刺烏金翅色光閃閃有老綠色其翅一長一短鳴聲似小而實急肉身純黑絨細異常獨兩尾粗肥可厭腿脚並不窮細而脚力全無釐碼重二百餘毫而艾惜疲軟殊覺少力凡遇敵蟲冲夾每倒退一二寸及進

中門則不待合鉗無不却走時屈一夜風信其尾忽變  
細長青黃白黑節節花點細審之直褪去一層皮殼後  
詢之捉手云於洞內曾見蜈蚣殼或係蜈蚣所變歟

黑沙尖翅

小四字頭眼如雙了髻插於腦角銀額金絲長黑紅牙  
細纜如鐵線倒裝頂沙暈重重腰背豐滿肉身絨細渾  
身蒙滿黑沙光彩轉爲所掩翅縐而薄味味然一片沙  
聲尾際高厚有肉翅尖直包子門六足粗壯生身最爲  
結足鬪無二夾名振三秋此蟲出身於涼棚破竹中捕

得是鐵嘴胡蜂變無疑

青項綠肉紫

長頭起眼角色如琥珀細紅鬪絲隱沉不顯鐵皮項上起青毛黑面白牙生體長方而側厚細青肉肚腹絨毛純染綠色六足圓勁翅黑而濃其色較老黑紫稍淡比茄皮色不同另具一道光華精彩早秋破口直至結冬約鬪三十籠所遇名將不知凡幾只似夾非夾卽已敗走從無咬至四五口者人稱軟口爲第一此與顧秋嶠之白牙青張和尚之黑黃丁仲緯之沙青均未見其用

力此等行夾真是無上上品

真黑色白牙

頭圓如珠黑逾點漆細金鬪絲白牙如筍椿式黑絨項  
寬濶而深蟹臍方滿腰背豐隆六足圓壯翅若烏金鳴  
聲尖急乾黑肉似粗而實老處暑節前卽已出土然蒼  
勁絕倫毫無嫩相識者謂是隔年之蛭按其顏色非黃  
非紫非青是爲真黑凡鬪十五柵猜放十四次厯蘇常  
江陰常熟各鄉鎮從未行夾至第十五柵約會於陸家  
橋各幫精銳俱集遇一三秋名將始一合鉗柵籠震動

人以爲異自庚申亂後二十年此蟲猜放最大得彩最多是爲功蟲第一後以深湯中花不滿千彩不滿百遂封將軍冬至時猶健若早秋也

銀牙白腳紫

此紫青也大方頭濶青項生體方幅六足特長白如燈草頭皮微紫細白鬪絲光而沉隱迥異青蟲白牙粗長如米殼老聲洪白肉白尾翅色較蝦青稍淺力大逾恒籠形莫占實係閒色之蟲杭人獨美其名曰銀牙白腳

紫

黃殼方青

四字頭濶青項淡金鬚絲烏頂短紅牙生體方濶腿脚  
不長而壯如人五短身材並非出奇品格雖遍體黃光  
而鬪路頭皮毫無間色性最猛烈出柵數鬪失去抱頭  
爪半截後爲友人借去至落湯又失一腰脚其人好鬪  
仍以當場姑蘇會鬪與嘉興葛雲甫合對咬十餘口卽  
扯去一腿再百餘口又去一脚僅存一腿一足半猶死  
鬪不休一任拋擲終不落翅時被仰側猶能合鉗惡咬  
至一時之久敵盡已力竭口糊不復能鬪古稱勇士出

戰不死帶傷猶以爲幸此蟲彷彿似之其性之猛烈蓋數十年所未有也

紅牙青

圓頭圓頂狀貌潤圓而腰背至尾又如棒子形式烏金頭皮光明如鏡黑面紅鉗金絲麻路厚青項翅純糯如元緞週身精彩耀目增光其精神之充足寶光直自盆內湧出肉身細結腿脚渾長行口極文秋分至交冬鬪十數柵不行夾至深湯遇一名將騰擲持擊飛鬪數百口勝後仍不二夾

紅牙重青

深頭寬項生相方幅頭色濃重項參黑沙金色鬪絲細  
直透頂濶板紅牙黑絨肉腿脚蒼老多黑斑行夾極重  
數柵後時當霜降忽爾不吃食不貼雌兩鬚拳捲肚腹  
無肉已屬乾老落湯喂以粥糜顏色頓明肉身轉足鬚  
之拳者自行咬去試以芟草矯健如飛復行出柵竟不  
二夾按其致病之由或因早秋斷缺水食所致然至深  
湯猶能反衰爲壯轉弱爲強亦異品也

藍青大頭



頭形圓綻項極寬深腰背以下肉止一條勒尖至尾卽  
譜所謂海螵形此蟲出處似欠乾燥雖屬重青色光不  
足烏金頭糙白鬪絲亦無光彩黑青項間有白毛衣殼  
肉身色渾而滯早秋怯亮性愛奔馳後身亦嫌單薄中  
秋破口只一交牙連鬪兩籠均不行夾霜降節後精神  
煥發遍體藍光項上白毛盡退舖滿粒粒青沙寶光肉  
燥時有青獅子之目鬪二十餘籠前無堅敵深湯至上  
洋人見其光彩籠形卽行拆去占彩場中望風辟易此  
蟲係盆中褪出天藍青若於早秋求之轉恐失之當而

矣

紅牙淡青

生體短厚項寬背滿有若橄欖形頭不大而圓足青金  
頭皮淡黃麻路紫面紅紺長注盆底青毛項自腰至尾  
肉極豐滿翅薄而尖身帶淺碧色雖籠形差小然力大  
於身猶人之具內壯者亦自早秋至結冬無敵

大黑黃

高方濶厚四字兼全且係半身頭項翅尖直裏至子門  
初看極類齊鬻較之尖圓翅尤濶頭皮老厚鬪絲渾而

不顯腦角高起濶面方腮鐵皮大項方白牙不長而短  
實則粗厚之極芟步穩重張牙時兩腮有寶光射目衣  
殼頗厚黑木無光肉色蒼勁肚腹捲緊黃毛六足高大  
據立盆中終日不動鳴時如敲銅板聲尤結實養至寒  
露頭皮褪薄鬪絲悉化蓬頭有如纍絲金線週身精彩  
翹現金光兩尾尖長細如黃髮每鬪非但不合鉗并無  
勒夾只迎頭一湊而敵蟲已絕芟負者或稱過性或云  
湯洋數鬪無異此係真正黑黃數十年來僅一見耳

老殼沙青

方頭竹管頂頭角特起薑黃鬪絲黃腦角極顯似屬忌  
款紫紅花牙短薄若熨片樣馬門黑小牙不多張僅開  
一線糙金翅中秋卽起沙聲腿脚細長青黑肉肚腹拖  
出四五鱗狀貌最爲醜劣早秋稱至二百十餘毫實祇  
杭碼八釐每鬪恒饒碼三十餘點比較籠形僅六七折  
然從未行夾是年蓄一長脚青猜放數柵所向無前曾  
與合對交口僅被一刮卽躍出僵斃比甦大足俱癱不  
能行動養至半月不復開牙後至深湯仲緯持以相贈  
其時肉已收拍頗似爆頭緊項腰背圓足週身沙暈兩

尾微翹於上洋兩鬪亦只一撮敵蟲立即昏暈不知是何變蟲最可笑者鄉人以秋蟲十頭上城售賣三日間賣去九頭獨贖此蟲並無人要竟至白送與人仲緯因見其連鬪十餘蟲以二百文購得於以慨真鑒之難益歎千里馬常有伯樂不常有也此蟲與黑黃俱養至來年三月中鬚尾爪花俱無傷損惟呌音則噤噤然不類秋蟲矣

白青大頭

大頭寬項形如山筍而背稍平淡紅頭皮金額白鬪路

黑面焦紅鉗青毛項翅黑如點漆背肉似嫌不足而鳴  
聲雄厚豎翅不停六足淨白兩尾尖長此蟲具第一等  
品貌而夾口轉在二三等間以其受口能盤卒能鬪至  
結柵故誌之

金背白

此與丁卯年之金背長襖衣頭色鬪絲週身顏色俱極  
相似惟生體潤而不厚鳴聲鬆而無力則遠遜之咸豐  
間曾得一黃尖翅金背而聲極鬆結柵後養至逢春其  
聲始變此蟲亦然霜降前獨不知鬪贏兩三柵夾口平

平插湯後落口漸重及交小雪只一勒鉗敵蟲立斃數  
柵皆然此種必係毒蟲但不能識其來歷耳

小天藍青

山角大頭黑藍項正青頭皮烏頂銀絲鬪路竹釘白牙  
根粗而頭銳前身潤厚肚腹癢而少肉烏金翅底色深  
沉外罩玻璃光絕似蔚藍天色此真譜所謂雨過天青  
鳴聲丁丁六足淨白釐碼僅一百二十餘毫能食全米  
自秋至冬未曾退食故雖癢肉其壽特長凡鬪十數籠  
從未行夾只一交牙敵蟲必滾至柵底如人之酒醉立

脚不定者辨色像形是蜻蜓變

紅牙重青

圓頭圓項生相四平黑殼白肉週身飽滿深黑頭皮金  
絲鬪線淡紅牙上有白豎紋墳起青項烏背六足渾長  
此蟲與天藍青同出一家釐碼亦相配合時而夾單時  
而多咬亦鬪十數柵足稱了蟲然較天藍青之才貌鬪  
品則大相懸殊矣

尖翅老殼青

長頭充星門深圓項腰背渾長尾際尖於紙攆烏金頭



皮金絲麻路鐵皮項上起毛丁翅尖若土蠶作老椴葉  
色鳴聲與括銅皮無異黑面焦紅牙身比碌碡結實無  
比六足長壯芟步極重極靈每鬪交牙敵蟲卽擲至背  
後鬪十數柵無少異如名將衝鋒全無照面眞了蟲也  
左搭白牙青

深圓頭鼓墩項寬厚包頭腰濶背駝直似地鼈蟲生相  
青金頭色烏頂白鬪絲糯米白牙鉗門極緊翅帶老綠  
色天然左搭鳴聲雄壯肉細尾尖脚力最大交口卽勝  
鬪十數柵僅兩台鉗一則頭項裂開一則腰身扯斷猛

烈如此欲遇對夾之蟲誠哉難矣

稻葉白青

白頭青項匾白鬪絲頭圓項厚腰闊背駝黑面老白牙  
腿腳圓長肉身乾結翅色淺碧如苗葉而殼老聲洪此  
係大四平相自頭至尾美滿無嫌早秋肚腹拖出四五  
鱗釐碼重至二百三十餘點落湯收拍濶圓高厚僅稱  
杭碼九釐宜其所向無敵矣

白額頭

山筍生身頭圓項濶腰粗尾尖老白頭皮烏頂黑面額

前有白點突出精瑩似玉匾白鬪絲短僅半節却極分  
清青毛項淡金翅黑斑紅牙牙尖有巨刺如蜈蚣鉗式  
六白脚一身細肉兩尾尖長細纔如髮落湯破口鬪五  
六柵俱係輕夾重出時至冬至遂封將軍誠可惜也

天藍青

深圓頭黑青項烏金頭皮細金鬪路項背高厚遠過他  
蟲黑絨肉竹釘白鉗翅色如點漆却有玻璃白光籠罩  
豎翅不落聲若銅鐘遍體藍光如秋夜雨過天色沉沉  
一道黑藍光彩非可以言語形容交牙卽勝此卽謂之

天藍青可無疑也

鐵色紅牙青

大頭濶項腰背豐滿淡金麻路闊板紅鉗肉老而絨細  
尾糯而尖長頭色光明項皮老厚鋪滿青砂色光濃厚  
在重青正青之間非尋常黑色青可比鉗門之緊亦屬  
異相初受草張牙頗遲似極費力必三數草始能張足  
然閉鉗極快故其合鉗之重十倍他蟲猶記在上洋與  
嘉興帮合對僅一勒鉗而敵蟲已項背分裂漿水出自  
翅中其力量真不可測度秋初出土便極蒼老落湯後

食量培增而籠形最大每鬪必讓毫碼嘉興嘉善平湖  
及浦東各旗號望風披靡真了蟲也

白牙重青

深頭濶項眼角極起烏金頭皮細白鬪絲透頂生體極  
短極厚肉身絨細腿脚渾長翅黑如元緞鳴聲洪亮豎  
翅如篷老白牙長尖無黑爪合鉗最捷力大於身屢次  
饒碼未曾對夾冬至日鬪吟秀旗號之坐艙時滴水成  
凍兩將獨健若早秋只一合鉗敵蟲已落盆無芡一時  
從壁上觀者無不交口贊揚稱爲杭蟲中極品

白牙青

大圓頭深圓項項皮腫厚生體濶圓腰粗背滿正青頭  
皮鬪絲細白貫頂白牙長大而有寶光肉色蒼老仍極  
絨細此蟲出土似苗葉青中秋爲正青落湯後亦帶黑  
青色合鉗重不可當養蛩家見之均稱爲無敵大將

稻葉白青

淺白頭皮深青項滿頭鬪絲細直而多麻路黑面紅鉗  
寶光閃爍腰圓背厚翅作淡碧色遍體絨細兩尾尖長  
相不甚大而籠形高厚無出其右輕口重山屢逢名將

不多咬鬪蘇松嘉湖各帮無有對手

白牙黑紫

頭項圓整生體渾長黑色白牙鬪絲微白出土頗似重青兩翅尖長鳴聲圓急落湯後翅上忽變紫紅色鬪絲細若紅纓於日中照之其底色竟如黑化紅之漢玉愈令愈健能夾能盤所謂茄皮紫者是也

紅牙白

頭如海棠花色匾白鬪絲黑面乾紅鉗四字長頭桃皮項沙毛叢叢色尤蒼老生體高厚淡金翅鳴聲洪大肉

身絨細六足明淨如玉是謂白蛭正色惜破口極遲所  
遇皆名將然交口卽勝蓋蟲能得五色中之正色毫無  
間雜渾淆已可決爲無敵矣

紅牙白青

圓頭起眼角頭色淺淡如老草色鬪絲細直麻路分清  
深青毛項黑面紅鉗腰背圓滿勒尖至尾青金翅六足  
長而明淨霜降破口鬪至結冬亦稱無敵



心禪居士手校

功錄卷上 壬辰七月庚子陽湖魯之愚守樸印完